



أساسيات

نظم المعلومات الجغرافية

إعداد م / خالد السيد عبدالرحمن



مقدمة

أدعو وأبتهل إلى الله سبحانه وتعالى أن يتقبل منى هذا العمل لوجهه الكريم فما أردت إلا إرضاءه تعالى.

أدعو كل قارئ وكل مستفيد من هذا الكتاب أن يدعو الله سبحانه وتعالى أن يغفر لى ولوالدى ، وأيضا ألا يحرمنى من رأيه وتعليقاته وتصويباته ، فلا يوجد كتاب إلا وبه نواقص وأخطاء.

Khaled Elsayed

رسالتنا

تتلخص رسالتنا فى إعداد كوادر علمية ومهنية متخصصة فى مجال هندسة المساحة ونظم المعلومات الجغرافية والإستشعار عن بعد، وأن تكون قادر على المنافسة فى سوق العمل عن طريق التدريب النظرى والعملى على أيدي متخصصين فى هذه المجالات وبإستخدام أفضل المواد العلمية وأحدث الأجهزة ومحاكيات التدريب التى تؤهل المتدرب للوصول إلى مستوى متميز فى مجاله.

زادت الفترة اللي فاتت
الكلام عن GIS
وأهمية ال GIS



ودا لكثرة المعلومات المرتبطة ببعض واللي بتحتاج
لتنظيم وتجميع وتخزين وتحليل ليها
ودا لأن المعلومات بتعتبر بتحول العصر

وفى القرن العشرين كانت
أهمية الدول بتقاس بكمية
النفط اللي عندها

فى القرن التاسع عشر كانت
أهمية الدول بتقاس بكمية
الذهب اللي عندها





أما فى القرن الحالى أهمية
الدول بتقاس بكمية
البيانات والمعلومات اللى
بتمتلكها أى دولة

تبدأ نلاحظ شركات زي facebook و Google وشركات
الموبيلات اللى بتتسابق فى جمع البيانات عن المستخدمين

...



حضرتك بتحب إى ومبتحبش إى ودا من خلال like
و dislike اللى بتعملهم
ولما بتعمل search عن منتج معين بيدأ يعرف انك مهتم
بالمنتج دا ويبدأ يتتبعك من خلال Gps الموجود فى
موبايلك وكمان يقدر يسجل كل الأصوات من خلال المايك
الموجود..
يعرف Face id بتاعك من خلال البصمة اللى بتستخدمها
لفتح موبايلك

يبدأ يربط البيانات دي فى حساب google
وحسابك على facebook ويعرف كل حاجة عنك



البيانات الكثيره دي اللي لو جمعناها وحللناها وعملنا
بينهم ترابط هنعصل على بيانات ونتائج رهيبه

فاكر؟! هوا دا ال Gis



IMMORTAL

ومن خلال النتائج اللي حصلت عليها الشركات دي تقدر
تبيع ليك أى منتج... تقدر تتوقع إذا كان المنتج دا
هينول إعجابك ولا لا وكمان تقدر تسيطر على قراراتك
ودا لأنها تعرفك أكثر من نفسك



علشان تفهم ال Gis
بشكل كويس لازم تاخذ
أمثله توضحلنا

تعالا بقا اقولك المثال علشان تقدر تستوعب كلامى



طبعاً كلنا بنستخدم تطبيق أوبر وهو مبنى على نظم المعلومات الجغرافية

أول ما بتفتح البرنامج بيفتح معاك GPS ودا علشان يقدر يحدد مكانك ودى بيانات مكانيه



تبدأ تختار أقرب سياره ليك ودى بيانات برضو مكانيه أول ماتختار انك تبدأ الرحله يبدأ يظهرلك إسم السائق وصورته ونوع العربيه اللي بيستخدمها والريفيوهات اللي عليه ودى بيانات غير مكانيه

يبقا البيانات المكانيه ترتبط بالمكان
والبيانات غير المكانيه بتصف المكان

ودا مثال تانى علشان المعلومه تثبت معاك



احنا دلوقت متعايشين مع
فيروس كورونا فانا عاوز من خلال
نظم المعلومات الجغرافية أحدد
أفضل المستشفيات اللي أقدر
أعمل فيها عزل

أول حاجة بجمع البيانات
والبيانات عندي زي ماقولنا قبل كدا نوعين بيانات
"مكانيه وبيانات غير مكانيه"

البيانات المكانيه

بتحدد أماكن المستشفيات الموجوده عندي فى
المحافظة ودا من خلال Google Map أو بتنزل بالموبايل
وبال GPS برفع الأماكن دى



أما بالنسبة للبيانات غير المكانية

هدأ اوصف المستشفى من خلال اسمها وتخصصها..



فيها كام سرير..
فيها كام دكتور..
فيها كام استاذ دكتور..
فيها غرفة عمليات ولا لا..
فيها طوارئ ولا لا..
فيها أجهزة انعاش..
فيها أجهزة إفاقه..
فيها أجهزة تنفس..

كل البيانات دي بدأ أجمعها

كدا جمعت كل البيانات المكانية والغير
مكانية الخاصه بكل المستشفيات



من خلال البيانات دي هخزنها واجمعها واعمل ليها تصنيف



انا بستفاد اي من البيانات دي؟!

من خلال البيانات اللي صنفتها اقدر احدد المستشفيات القادرة على استيعاب حالات كورونا



البيانات نوعين

مكانيه وغير مكانيه

المكانيه

هي البيانات المرتبطة بالمكان الغير مكانيه

هي البيانات المرتبطة بوصف المكان



ازاي تبدأ تتعلم Gis وتبقي متميز فيه مش مجرد مستخدم وبس

لازم يكون عندك خطه مرتبه ومنظمه علشان تاخذك من الصفر للاحتراف


لو عرفت نظم المعلومات الجغرافية هتتعرف وتتعلم
الثلاث كلمات دول

- ① نظم
- ② المعلومات
- ③ الجغرافية

هما المدخل المباشر لل Gis

نبدأ بأول كلمه المعلومات

المعلومات دي بتتكون من خلال البيانات اللي
بنجمعها ونعملها تحليلات ونطلع بنتائج أو معلومات



نبدأ بأول نوع Raster



لو فتحت Google Map علشان تشوف المكان اللي محتاجه
وليكن محتاج مستشفي .. من خلال صورة القمر الصناعي تقدر تحدد مكان المستشفى

ملحوظة

وحدة قياس الجودة للبيانات Raster هي البكسيل

كلما زاد عدد البكسيل زادت الجودة وبقت الصورة نقيه
وكل ما قل عدد البكسيل قلت الجودة وبقت الصورة باهته وضعيفة

النوع الثانى Vector



ييعبر عن الأشكال الهندسية زي
(Point - Line - Polygon)

ونفس المثال

على المستشفى أقدر آخذ نقطة إحداثيات Gps أو أرفعها
بتوتال استيشن
ولو عايز أحدد طريق معين أقدر أحدده على هيئة Line
ولو عايز أحدد بيت معين أقدر أحدده على هيئة Polygon

ملحوظة

من خلال Raster و Vector
أقدر بيقا عندى بيانات مكانية



البيانات غير المكانية

هي بيانات وصفية أقدر أجيبها من



خلال المسح الميداني



أو شيت إكسيل




أو من استطلاع آراء



أو من دراسات سابقة

نروح لتانى كلمة " نظم "

حضرتك جمعت البيانات بس البيانات دي غير منظمه
البيانات المكانية في مكان والبيانات غير المكانية في
مكان لازم نجمعهم في System ثابت




بنبدأ نجمع المعلومات دي
في قواعد بيانات Database



إي هيا أنواع قواعد البيانات!؟

أول نوع Shapefile هو ملف بسيط يقوم بتخزين البيانات عليه والبيانات دي بتأخذ أشكال هندسيه



فببدأ أقول أنا معايا shapefile لطرقت مصر

دا معناه اننا معايا بيانات مكانية نوعها Vector على هيئة line وكمات معايا بيانات وصفية attribute





ومن خلال Shapefile أقدر اعمل حاجتين



أول حاجة التصنيف

أنا عندي shapefile للطرق أقدر احدد
فين أفضل طريق وفين أسوأ طريق..
فيها كام حاره..
السرعة القصوى للطريق..
متسفلت ولا لا.. وهكذا



السرعة القصوى



كام حاره



أفضل وأسوأ طريق



تاني حاجة

أقدر اعمل إرسال واستقبال للبيانات دي



مثال


لو حد محتاج طرق مصر اقدر أرسلها له shapefile
كمان لو انا محتاج بيانات أقدر استلمها shapefile

personal database

وهنا نبدأ نتكلم عن قواعد البيانات بشكل أكبر ومساحه أكبر




إي الفرق بين shapefile و
personal database



Shapefile

تصنيف

وإرسال واستقبال فقط



Personal database

يقوم بعمليات تحليلية كاملة

علشان اخلى shapefile يحل زي personal
هجمع كذا shapefile مع بعض واحطهم تحت قاعدة
بيانات أكبر منها اللي هيا personal

بشكل بسيط علشان تعرف تكوين
personal g shapefile



Shapefile زى تلميذ
لو انا سألت التلميذ عن مادة
الرياضيات
بدأ التلميذ يجاوب أقدر استفيد
من دا ان اصنف اذا كان التلميذ
دا شاطر أو خايب ...

لكن مقدرش أعمل عمليات
تحليلية.

مقدرش أقول ان المدرسه بتاعته شاطره
ومقدرش اقول ان الفصل شاطر لأن دا تلميذ فقط

لكن لو سألت نفس التلميذ فى الفصل جوه مدرسة
وجاوب دا معناه ان مدرس الرياضيات شاطر ...
ولو سألناهم عن مادة اللغة العربية وجاوبو دا
معناه ان مدرس اللغة العربية شاطر

واستفدت ان الفصل دا فى أوائل طلبه
وهكذا ...



هنبداً نطبق المثال بتاعنا دا
فى قاعدة البيانات personal

Personal database

تعتبر المدرسة الكبيرة اللى بتضم تحتها فصول وتلاميذ

Feature class

Dataset

تعتبر التلاميذ

تعتبر الفصول

ملحوظة

لو التلميذ دا لوحده بيكون اسمه **Shapefile**
انما لو تحت قاعدة بيانات كبيره بيكون اسمه
Feature Class

هنطبق المثال دا فى قواعد البيانات بتاعتنا

انا عايز اعمل قاعدة بيانات لمدن القناه هعملها
على هيئة **personal database** ودي تعتبر
المدرسه الكبيره

تحت المدرسه بيكون في فصول بمعنى؟! 

- مدن القناه بورسعيد والاسماعيليه والسويس
ودى بتكون **Data_set**



تحت الفصول بتيجي التلاميذ 

- ودى بنسميها **Feature class**
زي طرق بورسعيد علي هيئة line ...
مبانى بورسعيد علي هيئة Bolygon ...

النوع الثالث File database

ودى بتستخدم فى قواعد البيانات الكبيرة
كبيره أكبر من انها تكون شخصية



بيانات عالمية أو
بيانات ليها قطر
جغرافى كبير جداً
بتدرس الظواهر
الجغرافية

مثال

بعمل قاعدة بيانات للوطن العربي من خلال
file database "المدرسه"

وتحتيها dataset الدول "الفصول"
فببدأ أقول مصر.. ليبيا.. السعودية.. العراق..
سوريا.. وهكذا...

وتحتيها Feature class الطرق "التلاميذ" فببدأ أقول
طرق مصر.. طرق السعودية.. مستشفيات ليبيا.. وهكذا...

واللي بيمثل عنها line. Point. Polygon



النوع الرابع قواعد بيانات برمجية

هى قواعد منفصلة عن برنامج Arc GIS ويتم بنائها وتطويرها خارج بيئة Gis




زي برنامج Access و ...
ودى برامج يتم من خلالها
إشاء قواعد البيانات واقدر
اعمل منها لينك وادخلها
جوه بيئة Gis

عندنا كمان لغة SQL
هدفها انشاء وتطوير
قواعد البيانات

نروح لثالث كلمة " جغرافية "

وهى بشكل بسيط ان اضع قاعدة البيانات على شكل
الارض وعشان تعرف شكل الارض الطبيعية تعالى اقولك


1) نظرية سطحية الأرض :



تعتبر الأرض المسطحة هي نظرية قديمة تتصور أن الأرض عبارة عن سطح مستوي، وكان هذا الاعتقاد منتشر في معظم الحضارات القديمة مثل الحضارة اليونانية القديمة، والعصر البرونزي والحديدي في حضارات الشرق الأقصى، وفي الهند والصين حتى القرن السابع عشر، والسكان الأصليين للأمريكتين الشمالية والجنوبية، وكان التصور الشائع أن الأرض عبارة عن سطح منبسط، ومحاط بقبة من السماء على شكل وعاء مقلوب

وكانت تُصور الأرض في الكتاب المقدس على هيئة قرص مسطح يطفو في الماء، وكان المفهوم السائد عند اليهود قديماً منذ عصر التوراة هو سطحية الأرض، وظل هذا الاعتقاد هو السائد على مر العصور في معظم الحضارات حتى منتصف القرن الرابع قبل الميلاد حين اقترح الفيلسوف اليوناني أفلاطون ومن بعده سقراط وأرسطو نظرية كروية الأرض، إلا أنها اعتبرت مجرد أفكار فلسفية ليس لها أي إثبات على أرض الواقع، حتى قامت الجمعية التاريخية البريطانية عام **1945** بإدراج سطحية الأرض كثاني اعتقاد خطأ في "كتيب" أكثر عشرون خطأ شائع على مر التاريخ

(2) نظرية كروية الأرض :




أول من خمن أن الأرض كروية الشكل هم اليونانيون القدماء اعتماداً على المنطق باختلاف المناسيب واختلاف درجة الحرارة وفصول السنة والتغير بين الصباح والمساء (الشمس والقمر) ولو أن الأرض مسطحة لأصبحت الأرض كلها شتاءً أو كلها صيفاً وظلت هذه الفكرة مجرد تخمين ولم يقم أحد منهم بإثباتها


حيث إنهم قاموا باستوحاء شكل الأرض الكروي بسبب رؤية اختلاف في ارتفاع مكان عن مكان آخر عند السفر

ولكنهم لم يقوموا بإثبات ذلك ولم يكن لديهم أي دليل ينسب بأنهم أول من اكتشف كروية الأرض وبقيت مجرد توقعات لم تؤخذ بعين الاعتبار، وتم وضع نظرية فلسفية على يد العالم الفلكي الهلنستي؛ فمنذ القدم تم اعتبار الأرض أنها مسطحة، وبأن الذي يوجد فوقها سماء كروية، وتم رسم الخرائط بناءً على أن الأرض مسطحة.

(3) نظرية بيزاوية الأرض :




ظهرت بعض النظريات التي حاولت إثبات أن الأرض بيزاوية، وتم إجراء العديد من البحوث والدراسات التي استغرقت عشرات السنين إلا أن جاء العالم إسحاق نيوتن (1643, 1727) وأصدر نظرية التفلطح وهي "أن خط الإستواء أطول من خط جرينتش" إذاً هي منبعجة من الجنبين ومفلطحة عند القطبين.



جيويد Geoid

"شكل الأرض الحقيقي" Geoid

الجيويد ومع أنه سطح غير منتظم إلا أنه يمثل الشكل الحقيقي للأرض التي نعيش عليها ولتمثيل أي منطقة على خرائط فأنا نقيس على الأرض الحقيقية والتي يمكن أن نعبر عنها بـ سطح الجيويد والمشكلة أن هذا السطح غير منتظم وشديد التعرج وليس له معادلات حسابية أو قوانين رياضية لوصف سطحه وبالتالي يصعب إسقاطه على الخرائط (لوحة) حتى تعبر عن تضاريس الأرض بدقة ولذلك كان الحل هو استخدام أي نموذج رياضي معروف له معادلات رياضية لوصفه في أعمال إنشاء الخرائط وهنا لا بد من وجود طريقة للتحويل بين الجيويد وهذا السطح الرياضي المفترض نظرياً المسمى الالبسويد



الالبسويد Ellipsoid

"شكل الأرض الهندسي" Ellipsoid

لا بد من تحويل شكل الأرض الجيويد إلى شكل هندسي محدد لعمل حسابات وقياسات بقوانين على سطح الأرض وكان هذا الشكل الهندسي هو **Ellipsoid** والفرق بين الشكل الهندسي الافتراضي الالبسويد والشكل الحقيقي للأرض جيويد **100 متر فقط**

إذاً هذا الشكل الهندسي دقيق إلى حد كبير بالنسبة لشكل الأرض الحقيقي وبالتالي نقدر نرفع من عليه المظاهر "رفع وتوقيع مساحي"

من خلال هذا الشرح قدرت أعرف شكل الأرض الهندسى اللى اقدر اعمل عليه عمليات رفع وتوقيع هندسى (إسقاط) ولكن يظل هناك مشكلة أن شكل الأرض الهندسى **Ellipsoid** غير مستوى بمعنى أنه كروى شكل مجسم ازاي اقدر أحوله من **2D:3D**


ازاي أقدر أرفع من شكل الأرض الحقيقى وارسم على ورقه **2D** وازاي اقدر آخذ مسافة طولية كبيرة والأرض مش مستوية



ولو حصل وأخذت مسافه كبيره هتواجهنى مشكلة انها مش دقيقة

وهنا لازم اقسام المسافة إلى مناطق بحيث كل منطقة تكون مفرده أو مستوية على شكل الأرض الهندسى وهنا هنعرف الزونات **Zons**

بقسم شكل الأرض الهندسى إلى مناطق بحيث كل منطقة تكون مستوية فاقدر أعمل عمليات المساحية الأرضية بشكل بسيط



ودا لأنى حددت شكل الأرض اللى هقوم بعمليات المساحة عليه "**Ellipsoid**" وكمان حددت الزون الخاص بمنطقة الرفع وبكدا الأرض هتكون مستوية فى المنطقة دي

مصر تقع فى ٤ زونات

R 35,36

Q 35, 36

ومن هنا اقدر أطبق **المساحة المستوية**

نظم المعلومات الجغرافية

مكانية غير مكانية

DATA BASE

Shap File File
personal Programing

Detum

Helmert 1907 WGS 84

إسقاط Project

إسطوانى مماسى مخروطى

Coordinate

جغرافية هندسية
مترى عشرى
درجة . دقيقة . ثانية

زى ما اتكلمنا المعلومات نوعين مكانية أو غير مكانية

ببدأ أنظم المعلومات فى **DATA BASE** وليها أربع أنواع ...

- Shap File
- personal
- File
- Programing

أى قاعدة بيانات خارجية نقدر نجمعها داخل **DATA BASE**

ملحوظة

تقدر تطور فى البرنامج من خلال **Programing**

DATA BASE هنعطها على **Detum** "مرجع" اللى هوا الإليبسويد بتاعى.

عندنا كذا نوع من الإليبيسويد

النوع الأول Helmert

- إحنا قولنا إن الجويد طلع منه إليبسويد عن طريق نظرية الحذف والإضافة فانا حذفنا الموجب مع السالب بدأ يطلع على إليبسويد
- الفرق بين الجويد والإليبسويد 100 متر



علشان الفرق دا يكون أقل ما يمكن فى أرضى
هنعمل شبكة مثلثات




فكرة عمل شبكة المثلثات

بم ان منسوب البحر يساوى صفر
بننسب النقطة للبحر بيكون ليها
رقم وهكذا فى باقى نقاط الشبكيه

بحيث إن أعرف شكل الأرض عالى
أو منخفض قد إيه من سطح البحر

ومن معرفتي لشكل الجويد بالظبط هقدر أحسب معدل الخطأ بالنسبة للإيبسود وأنزلها أقرب ما يكون على أرضي لكن هتبوظ بالنسبة للأراضي الثانية " دا إسمه إيبسويد محلي "

النوع الثاني WGS 84



وهو يعتمد على الأقمار الصناعية لمعرفة مناسب الأراضي "Z"

فمن خلال الأقمار الصناعية أقدر أعرف شكل الأرض الحقيقي إيه... بعرف كل دا يومي ولحظي.

أيهما أدق الإيبسويد المحلي ولا الإيبسويد العالمي

الإيبسويد العالمي

لأن الأرض بتدور حول محورها وحول المجموعة الشمسية إذن الأرض مش ثابتة.

- وكمان عندى نظرية زحزحة التكتونات
"الأرض تتحرك من 1 سنتيمتر إلى 1 ونص سنتيمتر فى السنة"
فانا مينفعش أعتمد على نقطة بتتحرك .




قولنا قبل كدا اننا **بننظم**
المعلومات فى DATA PASE
وبنحطها على شكل الأرض
الهندسى ودا إسمه إسقاط

الإسقاط دا معناه انى بجيب ال datapase أحطها على شكل الأرض الهندسى سواء أرسمها أو أشفها.


فانا بسقط المعلومة على شكل الأرض الهندسى أو العكس بأسقط شكل الأرض الهندسى على لوحه

أنواع الإسقاط


• إسطوانى



• مخروطى



• مماسى



الإسقاط المماسى

شكل الأرض الهندسى هو شكل بيضاوى منتظم لو أنا عايز أحط line فبتبقا أدق ما يكون هي النقطة المماسية وبقدر أستخدم النوع دا فى برنامج الأوتوكاد أوى أى برنامج بتعتبر الأرض 2D أو X,Y فقط

شكل الأرض في ZONE معين سيكون أدق ما يكون
أقدر أرفع بيت ... أقدر أرفع شارعين ...



لكن لو زدت مثلاً عن 200 كيلوا تبدأ تظهر كروية الأرض
فيظهر تشفيت أو تشويه للبيانات .

الإسقاط المخروطي



لو انا عايز أجيب مثلاً
قارة أفريقيا بنسبالي مش هيكون
أحسن حاجه لأنه هيكون أكبر من
إنه يكون في ZONE واحد ...

بدأ يبقا عندي إسقاط مخروطي
أقدر أجيب نصف الكرة الشمالي
وأقدر أجيب نصف الكرة الجنوبي

فيكون أقرب ما يكون للجزء المماس له والباقي يحصل
ليه تشويه مش محتاجينه

الإسقاط الإسطوانى UTM

ودا أحسن إسقاط لأنى بيبقا عندى الإليبسويد بتاعى
وببدأ أغلفه بالورقه



فبدأ أعمل إسقاط أقرب
ما يكون بس بيحصل تشفيت
فى القطب الشمالى والقطب
الجنوبى اللى انا مش عاوزهم
لو أنا شقيت الورقه دى وبدأت أفردھا هيبان عندى خريطة
العالم بشكل واضح

علشان تحط البيانات دى على شكل الأرض الهندسى
فانت بتحولها من شكلها الحقيقي إلى مجسم "الإليبسويد"
ودا عن طريق معادلات رياضية والمعادلات دى إسمها
إحداثيات "coordinate" أو خطوط الطول ودوائر العرض.


coordinate

هيا اللي بتخلينى أعمل الإسقاط بتاعى أقرب مايكون

- بيكون فى معادلة بين أرض الواقع وبين الشكل اللي بحط عليه الإليبيسويد
- لو انا حطيت point على شكل الإليبيسويد هيقا ف مكانه لو خدت point وحطيته على شكل الأرض الحقيقى هينزل مكانها

عندى نوعين من coordinate

- هندسية
- جغرافية



أولاً الإحداثيات الجغرافية

دى بتكون ذات نطاق جغرافى واسع مش محتاج دقة فيها ...

بخط point على الإليبيسويد علطول لأن الأرض مكونة من خطوط طول ودوائر عرض فأى point أقدر أعرف مكانها بشكل واضح



بس دا مش دقيق لأنى أهملت ان الأرض كروية وأهملت الزونات وأهملت الإسقاط فمعدل الخطأ يببقا على.



هنا بنستخدم Geo فى إيه

بنستخدمها فى الحجات الخاصه بالتكنولوجيا أو فى الصناعة زى التليفون اللى مع حضرتك لأن هوا بيستخدم الإحداثيات الجغرافية

مثال

لو رايح مكان معين مستعين بالجوجال ماب بيوصلك فى حدود 3 أو 4 متر متقدرش توصل بالسنتيمتر أو بالميللى متر

ثانياً الإحداثيات الهندسية

لو عاوز توقع بالسنتيمتر أو بالميللى متر بتستخدم الإحداثيات الهندسية لأنه بيحترم UTM وبيحترم Zone وبعد كذا يسقط على الإليبيسويد بتاعى ويكون معدل الخطأ بالسنتيمتر والملى متر



coordinat

سواء جغرافيا أو إسقاط ليها
كام شكل

ليها 3 أشكال

- عشرى 31.5078
- درجة . دقيقة . ثانية " 31°13' 10.60
- مترى 89775.1



الفرق بينهم إيه

- العشرى
يستخدم وليكن فى المساحة العسكرية هو بالنسبالى أدق مايكون لأن بيكون صعب عليا أدخل درجة مع دقيقة مع ثانية الموضوع بياخد وقت كبير
- درجة . دقيقة . ثانية
يستخدم فى الأجهزة ذات دقة عالية لأنه يستخدمه بالثانية.
- المترى
يستخدمه لأجهزة التوتال أو الأجهزة اللى بتستخدم إحداثيات وهو لا يستخدم عشرى ولا درجة . دقيقة . ثانية

وبكدا نكون خالصنا أساسيات GIS

لو عايز تعرف ازاي تشتغل في مجالك
GIS , وتتعين في شركتك الاولى

اضغط هنا

[HTTPS://IMMORTALSURVEYING.COM/GIS_LAND/](https://immortalsurveying.com/gis_land/)





نبذة عن الكاتب

م/خالد السيد عبدالرحمن

خبرة 6 سنين فى مجال الجيوماتكس مهندس
مساحة بديوان عام محافظة بورسعيد وأخصائى
GIS بمركز البنية المعلوماتية التابع للمساحة
العسكرية ومحاضر معتمد من نقابة المهندسين
وعدة معاهد مساحية وشركات هندسية وتقنية
البداية كانت فى شركة صغيرة فى الفيوم والآن
يملك شركة مقاولات "IMMORTAL SURVEYING"



Khaled Elsayed

شكراً لانتمائكم لعائلة
IMMORTAL



01 555 666 991



01 098 992 265



immortalsurveying@gmail.com



www.facebook.com/immortalsurveying



<http://www.instagram.com/immortalsurveying>



<https://twitter.com/immortalsurvey>